

SENTRAAAL KAROO

DISTRIKSMUNISIPALITEIT



AFDELING: MUNISIPALE GESONDHEID

BASIESE SANITASIE



Die Afdeling Munisipale / Omgewingsgesondheid van die Sentraal Karoo Distriksmunisipaliteit streef daarna om 'n gesondheidsveilige omgewing te skep, asook enige faktore wat die gesondheid van die mens mag benadeel, uit die weg te ruim of tot die minimum te beperk.

Die Afdeling is gefokus op die behoeftes en verwagtinge van ons gemeenskappe in die Sentraal Karoo en streef ons voorts daarna om 'n goeie verhouding tussen die munisipaliteit en sy inwoners te bewerkstellig, met 'n kollektiewe verantwoordelikheid teenoor die omgewing waarin ons woon, werk en speel.

ONS FUNKSIE

Die Wet op Nasionale Gesondheid, 2003 (Wet 61 van 2003) definieer Munisipale Gesondheidsdienste as Omgewingsgesondheid. Ingevolge Artikel 1 van die Wet word Munisipale Gesondheidsdienste gedefinieer as:

- Waterkwaliteit Monitoring;
- Afvalbestuur en -monitering;
- Voedselbeheer;
- Omgewingsbesoedelingsbeheer;
- Gesondheidsmonitering van persele;
- Oordraagbare Siektebeheer;
- Chemiese Veiligheid
- Vektorbeheer; en
- Bestuur van menslike oorskot.

Lugkwaliteit- en Geïntegreerde Afvalbestuur word ook adisioneel tot die bogenoemde deur die Afdeling Munisipale Gesondheid gelewer.

PERSONEEL EN AREA VAN DIENSLEWERING

OGP's is werksaam by ons hoofkantoor in Beaufort-Wes asook ons Prins Albert & Laingsburg-kantore.

Dienste word gelewer in tien (10) gemeenskappe in die Sentraal Karoo streek, naamlik in Murraysburg, Beaufort-Wes, Nelspoort, Merweville, Prins Albert, Leeu-Gamka, Klarastroom, Prins Albertweg, Laingsburg en Matjiesfontein, sowel as in die landelike gebiede van die Beaufort-Wes, Prins Albert en Laingsburg Distrikte.

WAT BETEKEN 'SANITASIE'?

Sanitasie beteken die opvang en wegruiming – op 'n higiëniese manier - van afval, insluitend menslike uitskeiding, huishoudelike afvalwater en vullis.

Indien dit nie gedoen word nie, sal buurte vuil en mense siek word. In Suid-Afrika het ons elke jaar reeds 1,5 miljoen gevalle van diarree (loopmaag) in kinders onder vyf jaar, en uitbrake van cholera. Dit moet vergesel word van goeie gedragpraktyk.

Die beskikbaarheid van gesondheidsveilige toilette is belangrik in die bereiking van goeie sanitasie.

Elke gesin moet toegang hê tot sanitasie-fasiliteite en moet hierdie fasiliteite verkieslik by elke woning beskikbaar wees.

Sanitasie-fasiliteite moet in 'n werkende toestand gehou word, by die huis, skool, werkplek en openbare plekke.

Die doel van goeie sanitasie is om goeie gesondheid te verseker – daarom is dit belangrik dat elkeen (ook ons kinders) verstaan hoekom / waarom dit belangrik is om 'n sanitasie-fasiliteit te gebruik en hóé om dit te gebruik.

Goeie sanitasie kan bereik word indien elke inwoner binne ons gemeenskappe ook die belangrikheid van die veilige wegdoening van menslike afval verstaan. Dit beteken toegang tot, asook die gebruik van 'n veilige / higiëniese toilet.

Daarom moet ons die gewoonte aanleer om sanitasie-fasiliteite altyd op 'n higiëniese wyse te gebruik en te onthou dat onself verantwoordelik is vir ons gesondheid – en dit ook vir ons kinders te leer.

WAT IS DIE MINIMUM AANVAARBARE BASIESE VLAK VAN SANITASIE?

- Toepaslike higiëne soos om toilette skoon te hou en hande te was na die hantering van afval of nadat daar toilet toe gegaan is

- 'n Stelsel vir die wegruiming van menslike uitskeiding, afvalwater en vullis wat bekostigbaar, maklik om in stand te hou, veilig en omgewingsaanvaarbaar is
- 'n Geskikte toilet vir elke huishouding

HOEKOM HET ONS 'N PROBLEEM?

Ons sanitasieprobleem het twee hooforsake:

- Swak higiëne (baie mense weet nie dat hul hulle hande moet was nadat hulle ontlast of doeke omgeruil het nie, en baie dink dis goed genoeg om die veld as 'n toilet te gebruik),
- Gebrek aan infrastruktuur (geen toilette en geen water vir die was van hande nie).

WAT IS DIE OPLOSSING?

Die voorsiening van verbeterde toilette is deel van die antwoord.

Terselfdertyd moet daar verhoogde bewustheid in die gemeenskap wees van gesondheidsake, verbeterde higiëne en gemeenskapsdeelname aan sanitasieprogramme.

HOE HOU 'N MENS JOU TOILET SKOON EN IN 'N GOEIE TOESTAND?

- Maak die vloere, deur en mure van die toilet gereeld skoon. Elke lid van die familie moet daarmee help.
- Was die sitplek van die toilet gereeld met seep en water.
- Maak altyd enige krake of foute in die mure, vloere, dak en deur onmiddellik reg.
- Maak seker dat die toilet voldoende geventileer is, met ander woorde daar vars lug deur die struktuur trek.

- Verseker dat die bo-punt van die ventilasie-pyp bedek is met 'n sif, om sodoende te voorkom dat vlieë wat wel in die put inkom en daar kom broei, nie weer daar kan uitkom nie! Onthou dat vlieë die draers van siektes is.
- Moenie gemors soos papiere ens. op die vloer van die toilet los nie.
- Moenie in die toilet eet nie.
- Was jou hande met seep en water, nadat jy die toilet gebruik het.
- Indien daar nie 'n waterkraan naby die toilet is nie, gebruik 'n houër met water wat by die toilet gehou kan word.
- Moenie gemors in die toilet afgooi nie – dit sal die lewensduur van die toilet verkort.
- Hou die deksel van die toiletsitplek dig toe indien dit nie gebruik word nie – dit kan verhoed dat kinders in die toilet val of dat insekte daar broei nie.

PLIG OM 'N GESONDHEIDSOORLAS UIT TE SKAKEL OF TE VERMINDER

Die eienaar, bewoner of gebruiker van grond of 'n perseel moet:

- Verseker dat 'n gesondheidsoorlas nie bestaan of plaasvind op sy of haar grond of perseel nie, en
- Binne 24 uur nadat hy of sy bewus geword het van 'n gesondheidsoorlas op die grond of perseel, die gesondheidsoorlas uitskakel, of indien hy of sy nie in staat is om die gesondheidsoorlas uit te skakel nie,
- Stappe tot bevrediging van die munisipaliteit neem om die risiko vir munisipale gesondheid te verminder; en
- Die bestaan van die gesondheidsoorlas aan die munisipaliteit rapporteer.

KONTAK ONS

Bestuurder: Mun. Gesondheid

Mnr. G. E. van Zyl

Tel: 023 – 449 1000 / Cell: 083 654 9688

E-pos: gerrit@skdm.co.za

Omgewingsgesondheidpraktisyns

Mnr. L. Crafford

Tel: 023 – 449 1062 / Cell: 083 245 2002

E-pos: leon@skdm.co.za

Me. Z. Pikelela

Tel: 023 – 023 -449 1060 / Cell: 078 704 8996

E-pos: zimbinip@skdm.co.za

Me. N. Snoek

Tel: 023 – 449 1000 / Cell: 063 042 0299

E-pos: nomabongo@skdm.co.za

Ms. N. Afrika

Tel: 023 – 449 1000 / Sel: 073 241 2349

E-pos: nosiphiwo@skdm.co.za

Mr. S. Maduna

Tel: 023 – 449 1000 / Sel: 079 675 5273

E-pos: siphos@skdm.co.za

Mnr. P.J.W. Louw

Tel: 023 – 5411 320 / Cell: 073 026 8770

E-pos: pierrel@skdm.co.za

Mnr. A. M. Du Toit

Tel: 023 – 5511 014 / Cell: 084 580 9818

E-pos: abri@skdm.co.za

GVZ.